



Broj: 02-1-34-8819-6/22  
Zenica, 27.06.2022. godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 29-06-2022			
Org. jed.	Broj	Priloga	Vrijednost
05/1-	02-	200	22

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
ZATUPNIČKI/PREDSTAVNIČKI DOM  
n/r Tajnika/Sekretara

**PREDMET: Odgovor na zastupničku inicijativu, dostavlja se**

U skladu sa članom 116. stav 3. Poslovnika Zastupničkog doma Parlamenta Federacije BiH dostavljamo Vam odgovor Ministarstva za obrazovanje, nauku, kulturu i sport Zeničko-dobojskog kantona na zastupničku inicijativu koju su podnijele zastupnice Tašo Dacić i Kenela Zuko na 33. redovnoj sjednici Zastupničkog doma Parlamenta Federacije BiH, a vezano za zabranom pušenja na otvorenim i zatvorenim školskim prostorima.

S poštovanjem,

Dostavljeno:

- Naslovu,
- a/a.



SEKRETAR

Edžad Mulagić



Bosna i Hercegovina  
Federacija Bosne i Hercegovine  
**ZENIČKO-DOBOJSKI KANTON**  
MINISTARSTVO ZA OBRAZOVANJE,  
NAUKU, KULTURU I SPORT



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**  
MINISTRY OF EDUCATION,  
SCIENCE, CULTURE & SPORT

Broj : 10-34-8819-05/22.  
Zenica, 17.06.2022. godine

1701  
23-06-2022

02-2 wja

Vlada Zeničko-dobojskog kantona  
Stručna služba Vlade

n/r premijera  
n/r sekretara

PREDMET: Odgovor na poslaničku inicijativu, dostavlja se

Poštovani,

U vezi sa aktom Zastupničkog doma Federacije Bosne i Hercegovine, od 02.06.2022. godine, u kojem je tražen odgovor na poslaničku inicijativu koju su u pisanoj formi podnijeli zastupnici Tašo Dacić i Kenela Zuko na 33. redovnoj sjednici Zastupničkog doma Parlamenta Federacije Bosne i Hercegovine održanoj 31.05.2022. godine, a kojom se urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorijama, u prilogu Vam dostavljamo odgovor Ministarstva za obrazovanje, nauku, kulturu i sport Zeničko-dobojskog kantona, na Vaše dalje postupanje.

S poštovanjem,

DOSTAVLJENO:  
2 x Naslovu  
2 x a/a, 03-05

MINISTAR

*Prof. dr. Spahija Kozlić*



Bosna i Hercegovina, Zenica, Kučukovići br. 2  
Tel: 032/460-840, fax: 460-842  
e-mail [min.obrazovanje@zdk.ba](mailto:min.obrazovanje@zdk.ba)

***Na poslaničku inicijativu koju su u pisanoj formi podnijeli zastupnici Tašo Dacić i Kenela Zuko na 33. redovnoj sjednici Zastupničkog doma Parlamenta Federacije Bosne i Hercegovine održanoj 31.05.2022. godine, a kojom se urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorijama, Ministarstvo za obrazovanje, nauku, kulturu i sport Zeničko-dobojskog kantona se očituje na sljedeći način:***

Prema članu 5. stav (7) Zakona o osnovnoj školi („Službene novine Zeničko-dobojskog kantona, broj: 3/18) i članu 7. stav (2) Zakona o srednjoj školi („Službene novine Zeničko-dobojskog kantona, broj: 9/17) u školi ne smije postojati bilo kakav oblik zastrašivanja, zlostavljanja, fizičkog kažnjavanja, vrijeđanja, ponižavanja ili degradiranja i *drugih negativnih pojava štetnih po zdravlje, uključujući i štetu izazvanu pušenjem ili upotrebom drugih opojnih i zakonom zabranjenih sredstava u školskim prostorijama.*

U cilju ujednačavanja internih akata osnovnih i srednjih škola na području Zeničko-dobojskog kantona, Ministarstvo za obrazovanje, nauku, kulturu i sport Zeničko-dobojskog kantona je prosljedilo svim osnovnim i srednjim školama (akt broj: 10-38-02-18726-3/19, od 30.12.2019. godine) Prijedlog Modela pravilnika o kućnom redu s etičkim kodeksom u svrhu konačnog donošenja Pravilnika o kućnom redu sa etičkim kodeksom, koji na prijedlog direktora, uz prethodne konsultacije sa nastavničkim vijećem, vijećem učenika i vijećem roditelja, usvaja Školski odbor, što je i definirano članom 41. stav (4) Zakona o osnovnoj školi („Službene novine Zeničko-dobojskog kantona“, broj: 3/18) i članom 51. stav (4) Zakona o srednjoj školi („Službene novine Zeničko-dobojskog kantona“, broj: 9/17).

U članu 7. i članu 8. Prijedloga Modela pravilnika o kućnom redu s etičkim kodeksom koji je donijelo Ministarstvo za obrazovanje, nauku, kulturu i sport Zeničko-dobojskog kantona navodi se da je *zabranjeno konzumiranje duhana, alkohola i uživanje bilo kakvih opojnih sredstava u školi i dvorištu škole za učenike, a da se radnici škole obavezuju da se pridržavaju zabrane konzumiranja duhana u prostorijama škole, izuzev u prostoriji predviđenoj i označenoj kao prostoriji za pušenje.*

U skladu sa članom 21. navedenog Prijedloga Modela pravilnika o kućnom redu s etičkim kodeksom škole se obavezuju da usaglase interne akte (Pravila škole i Pravilnik o kućnom redu s etičkim kodeksom) sa odredbama Prijedloga Modela pravilnika o kućnom redu s etičkim kodeksom.

U skladu sa Metodologijom za izradu godišnjeg programa rada osnovnih škola i Metodologijom za izradu godišnjih programa rada svih tipova srednjih škola i domova učenika („Službene novine Zeničko-dobojskog kantona“, broj: 7/19) škole su dužne izraditi interni plan i program rada odjeljenskih zajednica, a što podrazumijeva i realizaciju tema o *Prevenciji bolesti ovisnosti i zaštita zdravlja na časovima odjeljenskih zajednica u svim osnovnim i srednjim školama na području Zeničko-dobojskog kantona.* U osnovnim i srednjim školama kontinuirano se provodi primarna i sekundarna prevencija štetnosti pušenja za zdravlje učenika u skladu sa sadržajima važećih nastavnih planova i programa. O navedenoj temi učenici se upoznaju kroz različite nastavne predmete, jer je cilj da se učenicima pruže potrebna znanja koja doprinose održavanju i unapređenju zdravlja čovjeka i borbi protiv svih vrsta ovisnosti (npr: biologija – medicinski aspekt, vjeronauka/vjeronauk – teološki aspekt). Također, u osnovnim i srednjim školama na području Zeničko-dobojskog kantona, već dugi niz godina, realiziraju se različiti projekti (u čiju realizaciju su uključeni delegati Vijeća roditelja i Vijeća učenika) kroz koje se obrađuju teme o štetnosti pušenja na zdravlje učenika i mladih osoba (posljedice pušenja duhana, nargile, ovisnost o pušenju). Projekti se realizuju u saradnji sa drugim zainteresiranim institucijama, ustanovama, nevladinim organizacijama (Institut za zdravlje i sigurnost hrane Zenica, Kantonalni Zavod za borbu protiv ovisnosti, MUP...).



U predškolskim ustanovama na području Zeničko-dobojskog kantona odgojno-obrazovni rad se realizira u skladu sa Cjelovitim razvojnim programa u okviru kojeg su planirane teme koji se odnose na prevenciju zdravlja djece predškolskog uzrasta.

Shodno navedenom, Ministarstvo za obrazovanje, nauku, kulturu i sport Zeničko-dobojskog kantona Vas informira da su škole odgojno-obrazovne ustanove u kojima se kroz cjelokupan odgojno-obrazovni rad s učenicima i njihovim roditeljima kontinuirano naglašava važnost i poklanja neophodna pažnja temama o prevenciji bolesti ovisnosti, a samim time i štetnosti pušenja za zdravlje učenika, a da resorno ministarstvo podržava sve inicijative, projekte i mjere koje imaju za cilj preventivno djelovanje u svrhu zaštite i promocije zdravlja učenika.

S poštovanjem,

DOSTAVLJENO:

2 x Naslovu

2 x a/a, 03-05



MINISTAR

*Prof. dr. Spahija Kozlić*



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail [min.obrazovanje@zdk.ba](mailto:min.obrazovanje@zdk.ba)

*Klić*  
*Šević*



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES  
*Secretary*

Broj: 05/1-02-200/22  
Sarajevo, 31.05.2022. godine

ZENIČKO-DOBOJSKI KANTON			
PROJ. BROJ: 02-06-2022			
Broj jedinice	Klasifik. oznaka	Redni broj	Broj priloga
02	31	8819	1

VLADA KANTONA SARAJEVO  
n/p tajnika

VLADA HERCEGOVAČKO-NERETVANSKOG KANTONA  
n/p tajnika

VLADA UNSKO-SANSKOG KANTONA  
n/p tajnika

VLADA SREDNJBOSANSKOG KANTONA  
n/p tajnika

VLADA TUZLANSKOG KANTONA  
n/p tajnika

VLADA ZAPADNOHERCEGOVAČKOG KANTONA  
n/p tajnika

VLADA KANTONA 10  
n/p tajnika

VLADA POSAVSKOG KANTONA  
n/p tajnika

VLADA ZENIČKO-DOBOJSKOG KANTONA  
n/p tajnika

VLADA BOSANSKO-PODRINJSKOG KANTONA  
n/p tajnika


**PREDMET: Inicijativa**

U pravitku Vam dostavljamo na nadležni postupak inicijativu koju su zastupnici Tašo Dadić i Kenela Zuko podnijeli na 33. redovitoj sjednici Zastupničkoga doma Parlamenta Federacije BiH održanoj 31.05.2022. godine.

S poštovanjem,

Dostaviti:

- Naslovu
- Službi Zastupničkoga doma
- a/a



**Kenela Zuko**  
**Zastupnica u Predstavničkom domu**  
**Parlamenta FBiH**  
Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

**PARLAMENT FBiH**  
**PREDSTAVNIČKI DOM**  
n/r gosp. Mirsad Zaimović, predsjedavajući

Primijeno: 31-05-2022			
Org. jed.	Broj	Priloga	Vrijednost
05/1-	02-	200	22

**PREDMET: INICIJATIVA**

Na osnovu člana 11. Poslovnika Predstavničkog doma Parlamenta FBiH pokrećem slijedeću

### INICIJATIVU

Da Federalno ministarstvo obrazovanja u saradnji sa kantonalnim ministarstvima obrazovanja i Federalnim zavodom za javno zdravstvo na području Federacije BiH:

1. u nastavne programe za osnovne i srednje škole, te programe za predškolske ustanove uključe teme o štetnosti pušenja za zdravlje, utemeljenim na najboljim preventivnim svjetskim praksama,
2. u osnovnim i srednjim školama kao i u predškolskim ustanovama urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

### OBRAZLOŽENJE

Pušenje je ozbiljan javno-zdravstveni problem koji već odavno ima razmjere pandemije i kao takav je u vrhu prioriteta donosioca odluka iz sektora zdravstva u cijelom svijetu. Prema Globalnom istraživanju pušenja kod školske djece i mladih (GYTS) na području FBiH evidentirano je povećanje prevalencije pušenja sa 11.3% u 2008. godini na 24.4% u 2019. godini. Ovako visoka prevalenca pušenja među djecom i mladima urgira jačanje internih politika koje bi zaštitile djecu i mlade od velikih zdravstvenih posljedica. Prema rezultatima istog istraživanja, čak 58% učesnika navodi da su vidjeli nekoga kako puši u školskoj zgradi ili na prostoru otvorenih školskih prostora. Djeca izložena pušenju od strane porodice, prijatelja ili nastavnika imaju 70% veću vjerovatnoću da počnu pušiti.

U bosanskohercegovačkom društvu ovisnost o pušenju i duhanskim proizvodima je uveliko prihvaćena, smatra se na neki način "normalnim" obrascem ponašanja. Da bi se ovakav stav promijenio, neophodan je razvoj programa promocije zdravlja i prevencije rizičnog ponašanja

mladih u pogledu konzumacije duhana i duhanskih proizvoda. Za mlade, koji svoja mišljenja i stavove kreiraju posmatrajući svoje uzore - roditelje, nastavnike, profesore, članove zajednice, veoma je važno stvoriti okruženje koje promovira zdrav život, koje na bilo koji način ne prihvata normalizaciju konzumacije duhana i duhanskih prerađevina, a još manje pušačku ovisnost. Kroz stvaranje okruženja u kojim konzumiranje duhanskih proizvoda nije normalna pojava, a pogotovo onih školskih, mladima se ukazuje na osjećaj odgovornosti zaštite i unapređenja individualnog zdravlja i zdravlja okoline.

Prema novousvojenom Zakona o kontroli i ograničenoj upotrebi duhana, duhanskih i ostalih proizvoda za pušenje zabranjeno je konzumirati duhanske proizvode na svim zatvorenim javnim mjestima kao i u automobilima koji prevoze djecu mlađu od 18 godina. Trenutno o politici pušenja na području otvorenih školskih prostora imaju pravo da odlučuju uprave škola.

Inicijativa "Škola bez duhana" je utemeljena na najboljim praksama u svijetu po pitanju zaštite zdravlja mladih kao i dobar strateški pristup ka denormalizaciji pušačke ovisnosti. Inicijativa pruža priliku da učenici, nastavnici, pomoćno osoblje, roditelji, staratelji i svi članovi zajednice daju svoj doprinos u zaštiti i promicanju zdravlja svih koji uče, rade i borave u školi, čime im se omogućava da preuzmu kontrolu nad svim aspektima školskog okruženja koji utječu na zdravlje. Ovaj pristup je bio pilotiran i uspješno primijenjen u Prvoj bošnjačkoj gimnaziji Sarajevo, čime ukazuje na mogućnost adekvatne primjene u cilju zaštite djece i mladih tokom nastave, školskih pauza i vannastavnih aktivnosti na teritoriji zatvorenih i otvorenih školskih prostora. Pomoćne smjernice za provedbu inicijative sadržane su u vodiču "Škola bez duhana", koji je kreiran od strane Udruženja PROI, 2021. godine.

Sarajevo, 31.05.2022. godine

Zastupnici:

Kenela Zuko

Tašo Dacić